

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars secunda, hoc est:
Solida, ad discendam & exercendam, ex evangeliis tam
dominicalibus quam festivalibus Christi & sui-ipsius
notitiam, informatio**

Creide, Hartmann

Francofurti ad Moenum, 1682

Exordium

[urn:nbn:de:bsz:31-126164](https://nbn-resolving.org/urn:nbn:de:bsz:31-126164)

Quia enim corpus ejus verè edimus, & sanguinem ejus verè bibimus, ore nostro, hinc spontè fequitur, quod cum eo verè uniamur. Et ficuti furculus Infitivus, de ftirpe, cui inferitur, fuccum & vigorem attrahit: Sic etiam nos per dignam comestionem corporis & sanguinis Christi, ei tanquam arbori vitæ quali implantamur, & ut ipse vivit, & nos vivemus. Joh. 14. v. 19.

3. *Tanquam memoriale nostra obligatio- nis.* Cum Christus quinq; panibus & duobus piscibus, quinq; millia virorum cibasset, rapere eum, & facere Regem volebant. Joh. 6. v. 15. Multò magnificentius nos Christus cibat in sacrâ cœnâ, non panibus hordeaceis & piscibus: sed proprio suo

corpore & sanguine; nos quoque ipsum prehendentes, tanquam Regem cœli & terræ, ut fidos subditos decet, laude & gloriâ mactemus, atque adoremus. Cùm Israëlita Manna despicerent, Deus ad justam iram ab ipsis provocabatur: Quantò magis ira Dei exardescet, si nos, ut ingrati, in peccatis perseveraverimus, & gratiarum actionem omiserimus? Ergò sacrificia Deo laudem, & redde Altissimo vota tua, sacrificans n. laudem, honorabit me. Pl. 50. v. 14. & 23. Largiatur nobis Deus omnibus gratiam suam, ut in viis ejus ambulemus in verâ caritate & pietate, ne cibi hujus nos aliquando pœnitœat. Kyrie eleison, Amen!

In Feflo Pafchatos.

Evangelium, Marc. 16. v. 1 --- 8.

EXORDIUM.

Mandavit olim Deus Israëlitis, ut, si terram ingressi fuerint, quam Deus ipsis dederat, & messuri essent segetem, fasciculos spicarum, primitias messis suæ ad Sacerdotem perferrent, festo Pafchatos, sive altero die Sabbathi, ut Sacerdos moveret fasciculum coram Domino, & sic acceptabile esset, priusquam hoc fieret, panem & polentam, & spicas comedere non poterant Levit. 23. v. 11.

Hoc egregius Typus Christi fuit, ut ipse Apostolus eò collineare videtur, cum Christum vocat, primitias dormientium, 1. Cor. 15. v. 25. Sicuti enim Judæi primitias messis suæ ad Sacerdotem perferre tenebantur, altero die Pafchatos: Sic Christus die Pa-

rasceves mortuus est, per Sabbathum in sepulchro quievit, sed postero die à mortuis resurrexit, primitiæ factus dormientium, ut Apostolus loquitur. Hoc ipso nobis acquisivit, messem beatissimam, quæ die novissimo fiet, ubi omnes, qui jam Christo per veram fidem adhaesimus, ad vitam æternam resurrecturi & prodituri sumus. Joh. 11. v. 25. 26. Interea

Sic vescimur, & plaudimus, *Delicate vivimus*
In azymo paschali: *in azymis statibus*
Fermentum avitum explodimus, *Fermenta abjici,*
A voce gratiali. *in vobis his sabbatis,*
Vult Christus esse edulium, *Cibo Christo fruimur,*
Cibare nobis corculum, *Cibo mentis utimur,*
Hunc respicit fides bonum, *in nullo alio vita*

X

EO

So essen wir und leben wol
 In rechten Oster-Fladen /
 Der alte Sauert. ig nicht sol
 Seyn bey dem Wort der Gnaden.
 Christus wil selbst die Speise seyn /
 Und speisen unsre Seel' allein /
 Der Glaub wil keins andern leben.

In Vet. Test. Judæos agno Paschali irrationali contentos esse oportuit, habebant enim tantum unbram futurorum bonorum, non ipsam imaginem rerum, Hebr. c. 10. v. 1. Sed nunc Dominus novum creavit super terram, Jer. 31. v. 22. Vetera transierunt, tempus correctionis advenit, Hebr. c. 9. v. 10. Habemus jam aliud pascha, quod est Christus, pro nobis immolatus, itaque festa celebremus, non in fermento veteri, neque in fermento malitiæ & nequitiae, sed in azymis sinceritatis & veritatis. 1. Cor. 5. v. 7. 8.

Pluribus nos instruet præsens Evangelium, ubi audiemus, quomodo Angeli resurrectionem Christi mulierculis annunciant, quæ venerant corpus Christi uncturæ. Surrexit ajunt, non est hic. Hæc bona illa nova sunt, quæ adhuc hodie animos nostros gaudio perfundunt. Quæcunque enim scripta sunt, ad nostram doctrinam scripta sunt, ut per patientiam & consolationem scripturarum spem habeamus. Rom. 15. v. 4.

Nunc ad ipsam Evangelii tractationem nos conferemus, meditaturo:

I. Ἀγγελῶν προφητείας sive *notitiam nostri.*

II. Χριστοῦ ἰστορίας sive *notitiam Christi.*

J. J.

Exegesis.

Cum David adhuc adolescens, immannem Philistæum Goliathum percussisset,

egressæ sunt mulieres, de universis urbibus Israël, in occursum ejus, cantantes, chorosque ducentes, & dicentes: Percussit Saul mille, & David decem millia. 1. Sam. 18. v. 6.

Nos sufficientiorem causam habemus, ut Christo obviam procedamus hodiè, postquam infernalem Goliathum superavit, & omnes hostes nostros profligavit, latissimum illud *Amensior* cum jubilo personantes: Ubi est mors stimulus tuus? ubi tua, inferne, victoria? 1. Cor. 15. v. 55.

Devotæ mulieres præclarum nobis reliquerunt exemplum, dum valdè manè peregrinationem ad sepulchrum susceperunt, sed Christum non invenerunt, quia jam resurrexerat, ut Evangelium testatur.

Interea nos *notitiam nostri* discere possumus, si excusserimus,

I. *Devotionis exemplum.* Valdè enim manè ante exortum Solem surgunt, & iter ad sepulchrum faciunt.

Apostoli Christum in horto Oliveti turpiter reliquerant, nec metu Judæorum prodire audebant, ut, an Christus ex mortuis resurrexerit, explorassent, sicut ipsi prædixerat.

Sed mulierculæ hæc animo profus virili, primo diluculo exeunt, cum devotione piâ: quamvis in hoc infirmiores sint, quod corpus Christi, in sepulchro se inventuras, idemque more Judæis usitato ungendum, opinentur, eum tamen jamdum surrexerat, juxta promissionem suam.

Hic sciscitare te, mi Christiane, utrum & ipse in honorem triumphantis nostri Victoris, ad exemplum harum muliercularum, officium tuum paschale sedulo observaveris?

Nil.